

Headline	22 barangan kawalan sempena sambutan Aidilfitri		
MediaTitle	Berita Harian		
Date	07 Jun 2018	Color	Full Color
Section	Nasional	Circulation	20,955
Page No	6	Readership	947,000
Language	Malay	ArticleSize	266 cm ²
Journalist	N/A	AdValue	RM 9,134
Frequency	Daily	PR Value	RM 27,402



22 barangan kawalan sempena sambutan Aidilfitri

Putrajaya: Kerajaan menerusi Kementerian Perdagangan Dalam Negeri, Koperasi dan Kepenggunaan (KPDNKK) akan melaksanakan Skim Kawalan Harga Musim Perayaan Hari Raya Puasa 2018, bermula 8 hingga 22 Jun ini membabitkan 22 jenis barangan.

Perdana Menteri, Tun Dr Mahathir Mohamad, berkata tempoh pelaksanaan skim itu adalah selama 15 hari dan ia berkuatkuasa pada tujuh hari sebelum perayaan, satu hari pada hari perayaan dan tujuh hari selepas perayaan.

Beliau berkata, skim itu akan dilaksanakan di bawah Akta Kawalan Harga dan Antipencatutan 2011.

"Penentuan harga maksimum dibuat pada peringkat pengeluaran (bagi ayam dan telur ayam),



Penentuan ini dibuat supaya penguatkuasaan kawalan harga lebih berkesan dan penawaran harga yang berpatutan untuk barangan perlu bagi manfaat pengguna serta peniaga"

Dr Mahathir Mohamad,
Perdana Menteri

borong dan runcit dalam rantaian pengedaran mengikut kewajaran dan kesesuaian.

"Penentuan ini dibuat supaya penguatkuasaan kawalan harga lebih berkesan dan penawaran harga yang berpatutan untuk barangan perlu bagi manfaat pengguna serta peniaga.

"Harga maksimum ditentukan bagi 22 barangan harga terkawal di 91 buah daerah di Semenanjung; 32 buah daerah di Sarawak; 27 buah daerah di Sabah dan sebuah daerah di Wilayah Persekutuan Labuan," katanya dalam kenyataan dikeluarkan, di sini, semalam.

Beliau berkata, kementerian menentukan harga maksimum pengeluaran, borong dan runcit berdasarkan maklumat harga daripada

da pemantauan harga di semua daerah di seluruh negara sepanjang tahun 2017 dan pada bulan Januari hingga Mei 2018.

Dr Mahathir berkata, penentuan harga itu juga dibuat berdasarkan pandangan pelbagai agensi kerajaan iaitu Jabatan Pertanian Malaysia, Jabatan Perkhidmatan Veterinar (JPV), Jabatan Perikanan, Lembaga Pemasaran Pertanian Persekutuan (FAMA) dan Lembaga Kemajuan Ikan Malaysia (LKIM).

Tanda harga khas

"Kementerian juga turut berhubung dengan pengeluar, pengimport, pembekal dan pemborong barangan sebelum menetapkan harga maksimum itu," katanya.

Beliau berkata, peniaga diwajibkan

kan menjual barangan harga terkawal tidak melebihi harga maksimum yang ditentukan kerajaan dan meletakkan tanda harga khas berwarna merah jambu pada barangan harga terkawal bagi membezakannya dengan barangan lain.

Dr Mahathir berkata, peniaga digalakkan menjual barangan itu pada harga lebih rendah daripada harga maksimum jika ia diperolehi pada harga lebih rendah.

"Peniaga juga diingatkan bahawa tindakan tegas akan diambil terhadap mereka yang gagal mematuhi peraturan di bawah skim ini. Manamana peniaga yang melakukan kesalahan akan diambil tindakan bawah Akta Kawalan Harga dan Antipencatutan 2011," katanya.